



Broj: 03-06-04-5587-34/22
Sarajevo, 21.03.2022. godine

SKUPŠTINA KANTONA SARAJEVO
Predsjedavajući Skupštine, Elvedin Okerić

**PREDMET: Odgovor na zastupničko pitanje zastupnika u Skupštini Kantona,
gosp. Samira Suljevića**

Na nastavku 48. Radne sjednice Skupštine Kantona Sarajevo, održane 22.02.2022. godine, zastupnik u Skupštini Kantona, gosp. Samir Suljević postavio je slijedeće zastupničko pitanje: Imajući u vidu da je usvajanjem Budžeta za 2022. godinu, Skupština Kantona Sarajevo obezbijedila 280.000 KM, za potrebe povećanja plata (10%) uposlenicima JP Tv Sa, koji se nalazi u Vašem resoru, a da isto nije urađeno postavljam pitanje

- "1. Kako je Budžet zakon, a zakon se mora sprovoditi, da li je neisplaćivanjem povećanja plata uposlenicima TV SA prekršen zakon?"*
- "2. Ako je zakon prekršen, šta ćete preduzeti?"*

ODGOVOR

Vlada Kantona Sarajevo prilikom projekcije Budžeta Kantona Sarajevo za 2022. godinu na zahtjev Javnog preduzeća "Televizija Kantona Sarajevo" d.o.o. Sarajevo, uvećala je sredstva za subvenciju u odnosu na prethodnu godinu, koja pokriva slijedeće rashode i izdatke koji se finansiraju iz budžetskih sredstava: bruto plaće, naknade i doprinose poslodavca, naknade za topli obrok, naknade troškova prevoza uposlenih, naknada za regres za pravo korištenja godišnjeg odmora, zakup poslovnog prostora i opreme, naknade organima i tijelima preduzeća, doprinosi, članarine i druga davanja, usluge revizije, posebne naknade na plaću za zaštitu od prirodnih i drugih nesreća, vodne naknade i nabavka gotovog programa.

Vlada Kantona Sarajevo nije dala direktnu uputu kako se uvećana sredstva mogu trošiti, nego se uvećanje odobrava na zahtjev ovog preduzeća.

Uprava Javnog preduzeće "Televizija Kantona Sarajevo" d.o.o. Sarajevo je u obavezi da postupa u skladu sa odredbama Zakona o javnim preduzećima u Federaciji Bosne i Hercegovine ("Službene novine Federacije Bosne i Hercegovine", br. 8/05, 81/08, 22/09 i 109/12) i Zakona o privrednim društvima ("Službene novine Federacije Bosne i Hercegovine", br. 81/15 i 75/21), i svim drugim propisima, a upravljanje preduzećom, a time i provođenje nadzora nad radom i donesenim odlukama Uprave, provode nadležni organi preduzeća: Skupština preduzeća, Nadzorni odbor, Odbor za reviziju i ovlašteni nezavisni revizor.



Ovo preduzeće podnosi izvještaj o poslovanju sa prethodno donesenim odlukama o usvajanju izvještaja od strane navedenih organa preduzeća, Vladi Kantona i Skupštini Kantona Sarajevo, odnosno osnivaču.

Dostaviti:

1. Naslovu;
2. Stručna služba Vlade Kantona;
3. Evidencija;
4. U spis.



Darja Softić Kademić